

კვლევითი
ინსტიტუტი
Gnomon Wise




კავკასიის ეკონომიკის ყოველთვიური
მიმოხილვა
ოქტომბერი 2024





ეკონომიკური ზრდა



2023 წელს კავკასიის ეკონომიკის ზრდა 4.4%-ია. 2022 წელს კავკასიის ზრდა 7.8%-ს აღწევდა. გასულ წელს ეკონომიკური ზრდის ტემპის კლება, რუსეთიდან ადამიანური და ფინანსური კაპიტალის ნაკადების შემცირებასა და, წინა წელთან შედარებით, ნავთობის დაბალ ფასებს უკავშირდება. მიმდინარე წლის იანვარ-აგვისტოში ზრდამ 7% შეადგინა.


+ გასულ წელს საქართველოს ეკონომიკა 7.5%-ით გაიზარდა. მიმდინარე წლის პირველ რვა თვეში ეკონომიკურმა ზრდამ 10% შეადგინა. ზრდაში მნიშვნელოვანი წვლილი ტელეკომუნიკაციების, მშენებლობის, საფინანსო, უძრავი ქონების და ვაჭრობის სექტორებმა შეიტანა. კლების ტენდენცია დაფიქსირდა ენერჯეტიკის სექტორში.

🇦🇲 გასულ წელს სომხეთის ეკონომიკა 9.8%-ით გაიზარდა. 2024 წლის იანვარ-აგვისტოში, წინა წლის იმავე პერიოდთან შედარებით, ეკონომიკა 9%-ით გაფართოვდა. სომხეთის ეკონომიკურ ზრდაში განსაკუთრებულ როლს სავაჭრო სექტორი თამაშობს, რომელმაც ამ პერიოდში 20.4%-ით მოიმატა, სამშენებლო დარგმა კი - 16.2% -ით.

🇦🇷 რეგიონში ზრდის ყველაზე დაბალი ტემპი აზერბაიჯანში დაფიქსირდა. 2023 წელს აზერბაიჯანის ეკონომიკა 1.1%-ით გაიზარდა. მიმდინარე წლის პირველ რვა თვეში ზრდამ 4.3% შეადგინა. აზერბაიჯანის ეკონომიკის 34.4%-ს ნავთობისა და გაზის ინდუსტრია იკავებს. ამ ინდუსტრიის გარეშე, ზრდის ტემპმა 7% შეადგინა.



ინფლაცია და მონეტარული პოლიტიკა



ინფლაციის მაჩვენებელი კავკასიის რეგიონში, ძირითადად, ეკონომიკური ზრდის ტენდენციებს იმეორებს. საუკეთესო მდგომარეობა საქართველოშია, ხოლო ფასების დონის ზრდის შედარებით მაღალი მაჩვენებელი აზერბაიჯანში დაფიქსირდა.

✚ 2023 წელს საქართველოში ინფლაციის ტემპი, წინა წელთან შედარებით, შემცირდა. 2024 წლის სექტემბერში სამომხმარებლო ფასების წლიური ზრდამ 0.6% შეადგინა. სექტემბრის ინფლაციაში მაღალი წვლილი სტუმარ-მასპინძლობის სექტორის ფასებმა შეიტანა, რომელიც 7.5% -ით გაიზარდა. თუმცა, რიგ სექტორებში ფასების კლება დაფიქსირდა, მათ შორის, კავშირგაბმულობის ფასები ყველაზე მეტით, 12.8%-ით შემცირდა. ამ ფონზე, ცენტრალურმა ბანკმა, ბოლო გადაწყვეტილებით, რეფინანსირების განაკვეთი 8%-ზე შეინარჩუნა.

🇧🇪 რეგიონში ფასების დინამიკით სომხეთი გამოირჩევა. მიმდინარე წლის სექტემბერში სამომხმარებლო ფასების წლიური ზრდა 0.6% იყო. ყველაზე მაღალი, 9%-იანი ზრდა ტრანსპორტის სექტორში დაფიქსირდა, ხოლო 3.4%-იანი კლება - ტანსაცმლის ფასებზე. სომხეთის ცენტრალურმა ბანკმა მონეტარული პოლიტიკის შემსუბუქება 2023 წელს დაიწყო. ბოლო გადაწყვეტილებით, რეფინანსირების განაკვეთი 7.5%-მდე შემცირდა.

🇦🇲 აზერბაიჯანში ინფლაცია დასტაბილურდა. 2024 წლის სექტემბერში სამომხმარებლო ფასების წლიური ზრდამ 3.5% შეადგინა. აგვისტოში ეს ნიშნული იგივე იყო. აზერბაიჯანში რეგიონში შედარებით მაღალი ინფლაციით წინა პერიოდებში გამოირჩეოდა. მიუხედავად ამისა, აზერბაიჯანის ცენტრალური ბანკი პოლიტიკის გამკაცრებისგან თავს იკავებდა. ივნისში მიღებული გადაწყვეტილებით, პოლიტიკის განაკვეთი 7.25%-ზე შენარჩუნდა.